

Zbirka medijskih objava

Vlada Brčko Distrikta_kliping_dnevno,
za razdoblje 13. 2. 2022

Broj objava: 3

Internet: 3

Teme praćenja:

Vlada Brčko Distrikta: 1

Gradonačelnik ...: 0

Skupština Brčko ...: 0

Brčko: 3

Vlada Brčko Distrikta:

Internet	Naslov	U BiH 1.289 novozaraženih, preminulo 19 osoba		
Serijski br. 1	Medij; Doseg	Klix.ba; , Bosna i Hercegovina		
	Rubrika, Datum	Ostalo; 12. 2. 2022		
	Autor	B. R.		
	Teme	Vlada Brčko Distrikta , Brčko		

Brčko:

Internet	Naslov	U BiH 1.289 novozaraženih, preminulo 19 osoba		
Serijski br. 1	Medij; Doseg	Klix.ba; , Bosna i Hercegovina		
	Rubrika, Datum	Ostalo; 12. 2. 2022		
	Autor	B. R.		
	Teme	Vlada Brčko Distrikta , Brčko		

Internet	Naslov	Brena o životu prije slave: Štedjela sam tako što sam jela hljeb i jogurt		
Serijski br. 2	Medij; Doseg	Klix.ba; , Bosna i Hercegovina		
	Rubrika, Datum	Ostalo; 12. 2. 2022		
	Autor	I. S.		
	Teme	Brčko		

Internet	Naslov	Mladi bračni par otvorio dimnjačarsku firmu koju Mostar nije imao 39 godina		
Serijski br. 3	Medij; Doseg	Klix.ba; , Bosna i Hercegovina		
	Rubrika, Datum	Ostalo; 13. 2. 2022		
	Autor	G. Š		
	Teme	Brčko		



U BiH 1.289 novozaaraženih, preminulo 19 osoba

U Bosni i Hercegovini je registrovano 1.289 osoba pozitivnih na koronavirus, od 3.451 obrađenog testa. Preminulo je 19 osoba, podaci su entitetskih ustanova za javno zdravstvo i **Vlade Brčko distrikta**.

Poređenja radi, u Bosni i Hercegovini je jučer, 11. februara, registrovano 1.338 osoba pozitivnih na koronavirus, od 3.310 obrađenih testova. Preminulo je 46 osoba.

Federacija Bosne i Hercegovine

U Federaciji Bosne i Hercegovine danas je registrovano 1.111 osoba pozitivnih na koronavirus, od 2.796 obrađenih testova. Preminulo je devet osoba.

Retroaktivno je prijavljena smrt pet osoba.

Od početka pandemije su registrovane 239.702 osobe koje su bile pozitivne na koronavirus, od 1.183.402 obrađena testa.

Ukupno je preminulo 8.358 osoba, podaci su Zavoda za javno zdravstvo Federacije Bosne i Hercegovine.

Republika Srpska

U Republici Srpskoj je registrovano 165 osoba pozitivnih na koronavirus, od 560 obrađenih testova. Preminulo je deset osoba.

Retroaktivno je prijavljena smrt pet osoba.

Od početka pandemije je registrovano 110.050 osoba koje su bile pozitivne na koronavirus, od 409.065 obrađenih testova.

Ukupno je preminulo 6.138 osoba, podaci su Instituta za javno zdravstvo Republike Srpske.

Brčko distrikt

U **Brčko** distriktu je registrovano 13 osoba pozitivnih na koronavirus, od 95 obrađenih testova. Smrtnih slučajeva nije bilo, podaci su **Vlade Brčko distrikta**.



Štedjela sam tako što sam jela hljeb i jogurt

Lepa Brena je jedna od najpopularnijih zvijezda na području Balkana, ali njen život nije oduvijek bio lagodan.

Ispričala je da je u jednom periodu studiranja bila gladna.

"U devetnaestoj godini sam upisala turizam na Prirodno-matematičkom fakultetu. Nekih šest mjeseci tokom studiranja sam bila jako gladna. Htjela sam da uštedim novac i da na neki način budem ravnopravna sa mojim prijateljima", kazala je.

Otkrila je i na koji način je štedjela te da joj je bilo dosta takvog načina života.

"Štedjela sam tako što sam jela hljeb i jogurt. Poslije mi se sve to smučilo. Odlučila sam da uzmem svoj život u svoje ruke. Nisam imala uspješne, bogate i moćne roditelje. Otišla sam u **Brčko**. Tamo sam sreća bend Lira šou, a poslije toga Slatki greh", dodala je.

Zatim je shvatila da ponekad treba biti drska kako bi ostvarila svoje snove.

"Poručila sam im da trebaju da čuju djevojku koja umije i zna da pjeva, na šta su oni meni rekli da je to veoma drsko. Ja sam im odgovorila: 'Drska sam zato što znam da posjedujem kvalitete'. Tada sam počela da radim s njima, na veliko nezadovoljstvo mojih roditelja, koji su željeli da završim fakultet. Morala sam da uzmem život u svoje ruke. Sve nakon toga je historija", zaključila je Brena, a prenosi Mirogorska TV.



Mladi bračni par otvorio dimnjačarsku firmu koju Mostar nije imao 39 godina

Tajma i Sanjin Drljević su mladi bračni par iz Mostara, koji je oživio stari zanat otvaranjem dimnjačarske firme, koju, prema službenim podacima Arhiva Hercegovine, Mostar nije imao 39 godina, što su saznali pri registraciji dimnjačarskih usluga u svom gradu.

Iako su zanat službeno oživjeli prije nekoliko dana, u najvećem gradu na Neretvi su već postali par koji u crnim odorama djeluje u hitnim situacijama, a njihova pojava na ulicama je za građane prava atrakcija, u šta smo se uvjerali prilikom susreta s njima u gradskom parku.

Građani su zastajali da se uhvate za dugme, što, prema starom narodnom običaju, donosi sreću, objašnjavajući to mladim generacijama, što je i novopečene dimnjačare oduševilo, pa su dugmiće s radošću i sami dijelili sugrađanima.

Dugme za sreću nije propustio ni načelnik Odjela za društvene djelatnosti Grada Mostara Božo Ćorić, koji se oduševio susretom s dimnjačarima uz mostarsko šetaliste i čestitao na odvažnom potezu oživljavanja zanata koji je decenijama nedostajao Mostaru.

U razgovoru s njima saznali smo da je Tajma magistrica hemije, koja nije imala priliku zasnovati radni odnos, a Sanjin carinski tehničar s brojnim poslovnim iskustvima daleko od struke.

Oni su u pustolovinu povratka starog zanata krenuli zbog toga što su bili primorani sami čistiti dimnjak u svojoj kući, jer im nije imao ko to uraditi.

"Kad nam se pojavio problem s dimnjakom, nismo znali koga da zovemo, ni od koga da tražimo pomoć, pa sam otišao u poljoprivrednu apoteku i kupio četku i sajlju da to sam otklonim. Tada, kao apsolutni laik, uspio sam riješiti problem na desetak dana, a tragajući za stručnom osobom saznam da u gradu nema dimnjačara", počinje Sanjin pričati za naš portal uvertiru za poslovni poduhvat.

Sanjin Drljević (Foto: G. Š./Klix.ba)

To je njemu, kako kaže, bio dovoljan znak da treba postati dimnjačar, a kako ne bi lutao na putu do cilja, javio se Udruženju dimnjačara BiH, gdje je dobio sve snjemice i upute.

"Javio mi se rahmetli Selim Ekmečić, koji je tada bio predsjednik udruženja, i odmah rekao da mi želi pomoći. U tu misiju se rado uključio i njegov zamjenik Jadranko Đurić iz **Brčkog**. Oni su me posavjetovali da upišem školu i steknem potrebne kvalifikacije, što sam i prihvatio", priča Sanjin početničke korake za Klix.ba.

Ali, kako su mu mentori savjetovali da još nekoga uključi u školovanje, svjesni da neće moći sve poslove obavljati sam, to mu je stvorilo problem, jer nikoga nije mogao naći. To je Tajmi bio razlog da krene s njim na taj put, na što su sada veoma ponosni, kao i čitava porodica, koja im je sve vrijeme bila podrška na putu do ostvarenja cilja.

"Znala sam koliko Sanjo želi da ide na školovanje za dimnjačara i vidjela da ga muči to što niko koga je pitao nije htio s njima. A ja sam otkrila na internetu dimnjačarku Dajanu Đurić, koju sam kasnije i upoznala, što me inspiriralo da i ja steknem kvalifikacije za obavljanje toga posla", priča Tajma za Klix.ba, koja je, bez sumnje, prva dimnjačarka u historiji Mostara.

Tajma Drljević (Foto: G. Š./Klix.ba)

Posebno je na tom putu razveselilo otkriće da su njena struka i dimnjačarstvo povezani, jer su tokom školovanja bili obavezni naučiti rukovati hemikalijama za čišćenje cijevi centralnog grijanja te stekli kvalifikacije za šire područje djelovanja.

Nakon stečenih diploma postali su roditelji prvog djeteta i suočili se s problemom nabavke potrebnog alata koji je veoma skup i teško se može naći. Ali su odvažno počeli raditi s osnovnim, najjeftinijim alatom, a potom uz intenzivan rad, kredit i podršku porodice, u roku od godinu i po, uspjeli nabaviti sve potrebne mašine, vozilo i kameru za snimanje dimnjaka, koja je sama koštala 11 hiljada KM, te su registrirali firmu kojom se ponose.

"Koristimo savemenu tehnologiju bez penjanja na krov i prašine te uspješno rješavamo probleme bez obzira na vremenske prilike", kažu mostarski dimnjačari, koji imaju pune ruke posla, jer, kako tvrde, svi pozivi koje dobiju su hitni, što nije iznenađujuće s obzirom na to da dimnjake u Mostaru niko decenijama nije održavao.